

汝寧府志卷二十

節烈

周蔡人之妻者，姓桓，字桓，既嫁於蔡而夫有惡疾，其母將改醮之，女曰：夫之不幸，乃妾之不幸也，奈何去之？不聞采芣苢之草乎？雖極臭惡，始於採之，終於懷禩之浸，以益親，況於夫婦之道乎？彼無大故，又不遣妾，何以得去？終不聽母言，乃歌芣苢之詩。君子曰：宋女之志甚貞，圖一也。

魯南申女者，申人之女也。既許嫁於鄴夫，家禮不備而欲迎之，女與其人言，以為夫婦者，人偷之始也，不可不正。傳曰：正其本，則萬物理。夫之毫厘差之千里，是以本

立而道生源潔而流清故嫁娶者所以傳重承業繼續
先祖為宗廟主也夫家輕禮違制不可以行遂不肯往
夫家訟之於理致之於獄女終以一物不具一禮不備
守節持義必死不往而作詩曰雖速我獄室家不定言
夫家之禮不備足也君子以為得婦道之飢故舉而揚
之傳而法之以絕無禮之求防淫慾之行焉

漢馬氏融之女汝南袁隗之妻也字倫少有才辨融家世
豐豪裝遺甚盛及初成禮隗問之曰婦奉箕帚而已何
乃過珍麗乎對曰慈親垂愛不敢逆命君若欲慕鮑宣
梁鴻之高妾亦從少君孟光之事矣隗又曰弟先兄舉
世以為笑今處姊未適先行可乎對曰妾姊高行殊邈

未遭良匹不似鄙薄苟然而已又問曰南郡公學窮道
與文為辭宗而所在之職輒以貨則為損何耶對曰孔
子大聖不免武叔之毀子路至賢猶有伯寮之愆家君
獲此固其宜耳隗默然不能屈帳外聽者為慚隗既寵
貴當時倫亦有名於世年六十餘卒

張邵母

見邵傳

范滂母

見滂傳

戴氏五女皆正陽戴良女也性資嚴明勤事女工質貌
雖不殊咸克遵家訓而婦德甚備每有求婚良輒便許
嫁粗裳布被竹筍木屐以遣之節操行誼有隱者風焉
吳孫權袁夫人汝陽人袁術女也有節行而無子權以

諸姬子與養之輒不育及步夫人薨權欲立之夫人自以無子固辭不受

晉李氏字絡秀汝南人周顛母也顛父浚為安東將軍出獵遇雨過絡秀家會其父兄不在絡秀與一婢於內宰猪羊具數十人饌甚精辦而不聞人聲浚怪使覘之獨見一女子甚美浚因求為妾其父兄初不許絡秀曰門戶珍瘁何惜一女若連姻貴族將來或大益父兄許之遂生顛及嵩謨由此李氏在世得為方雅之族

徐元妻許氏年二十一卷夫子甄方三歲父攬愍其年少逼適同縣張買許自誓不行父逼載送買許自經氣絕家人奔赴良久乃蒸買知不可奪夜送還攬許歸徐

氏至宋元嘉中年八十餘卒

梁州刺史朱序母韓氏序鎮襄陽符堅遣其將苻丕等率衆序韓自登城履行謂西北角當先受弊遂領百餘於其角斜築一城城果攻破西北角衆守新築城以禦丕遂引退襄陽人謂此城為夫人城韓氏義陽人

唐鄴侯李泌母周氏幼時有異僧僧伽從泗上來見而竒之曰此女後當歸李氏而生三子其最小者慎勿以紫衣衣之當起家金紫為帝王師泌父李承休為吳房令娶之周氏既娠凡三年方寢而生泌生而髮至於眉先是周每產必累日困憊惟媿泌獨無恙由是小字為順天寶十二載周氏卒泌歷事元宗及肅代德四朝軍謀

相業載於國史位至宰相封侯

竇桂娘蔡州竇良女也父為汴州戶曹掾李希烈陷汴州逼之行竇顧其父曰慎無戚必能滅賊使大人取富貴於天子後有寵秘結陳仙奇夫婦希烈死於毒竇出蠟帛丸令仙奇斬希烈妻子七首

董昌齡母楊氏世居蔡昌齡事吳元濟為吳房令母嘗密戒曰逆順成敗兒可圖之昌齡徙郾城母復曰逆賊欺天神所不祐當速降無以我為累兒為忠臣吾死不恨會王師逼郾城昌齡乃降憲宗喜即拜郾城令兼監察御史昌齡謝曰母之訓也帝嗟歎元濟囚母欲殺者屢矣蔡平而母在陳許節度使李遜表之封北平郡太君

老嫗蔡州人南中丞卓吳楚遊李十餘年衣布縷乘生
衛薄遊蔡州州牧待之似厚而為吏難阻每宴集令召
則云南秀才自以衣冠不整称疾不赴羈旅窮愁似
容足之地惟城南鬻老嫗待之無厭色後十七年
為蔡州牧曰古人一飯之恩必報睚眦之怨必酬遂戮
仇吏而報飯嫗焉後轉黔南經畧使
李湍妻某氏籍吳元濟軍元和中自拔歸烏重允妻為
賊縛而鬻食之將死猶號湍曰善事烏僕射觀者歎泣
重允請以其事屬史官詔可

〔宋〕范氏莊十一妻年三十七歲而寡子幼家貧親戚勸他
適氏遂剪髮自誓縫績以養舅姑年八十事聞旌為貞

節

〔元〕太尉李思齊之妾鄭氏元末汝穎兵起思齊率兵屢復郡縣已而內陞江西行省左丞卒于官氏遂自縊死事聞追贈淑人謚貞烈

〔汝陽縣〕

〔明〕吏部尚書趙好德妾張氏侍郎毅之母也元季大亂好德將杖策往謁高祖顧謂張曰奈汝娘何張曰是男歸君是女則母子俱死而已遂洒泣而別張携家避難抵華州力作自給明年毅生戊申洪武改元好德守安慶張携毅東歸適好德遣人往迎遇諸大梁張以毅付使者曰我所忍死以待者為此子耳今令歸若主吾事畢

矣遂悲傷發病卒洪武八年誥贈為淑人

汝寧府知府申達女申氏達於永樂間守汝與千戶郭昇相慕好睹其子瑛眉目不凡許以女妻之年十六歸瑛婉婉恭淑克嫻婦道生一子興甫七月瑛邁疾申侍湯藥晝夜不離側既而卒申以頭觸柱血流濡衣割左耳以自誓葬瑛後足未嘗出戶庭奉姑育子四十餘年子長襲職誥封為宜人瑛猶子賀早卒其妻劉氏方二十五歲毀容勵節孀居三十餘年正德改元有司以聞俱旌表之

胡冕妻趙氏尚書好德曾孫女天順初適冕逾五載生子貞甫及六月冕病卒趙矢死守節終養舅姑居貧教

子嘗脫簪珥佐之貞領宏治十七年鄉荐縣官雷宗以
事聞詔表其門

趙瑀妻房氏永樂六年瑀出商清江溺死房年二十遺
腹子俊氏年七十三卒事聞旌表

王全妻劉氏年二十七而寡遺腹子端氏卒年八十有
六事聞旌之

毛忠妻蘭氏永樂末忠卒子戍蘭抱三女紡績自給成
化間都御史李衍給廩米月一石卒年百歲有司上其
事劉漢妻余氏成化十五年適劉生子林甫歲餘漢卒
余守節刺繡以養舅姑親党有議奪其志者余夜撫林
而泣曰吾不能顧汝矣乃自縊賴衆救得免翁姑相繼

卒余竭力營葬正德癸酉林舉於鄉有司始以事聞旌表其門

桂蘭妻張氏宏治初歸桂明年生子祥甫九閱月而蘭卒張誓不他適紡績自給孝奉舅姑撫祥業儒領正德丙子鄉荐授泗州知州陞工部員外郎事聞詔表其門年九十二卒

李暹妻蔡氏暹卒蔡年二十八矢死靡他日課子尚德讀書稍長娶婦詹氏居數年尚德卒詹年方二十七時值飢饉兼有寇變詹事孀姑撫孤兒保門戶子麟婦朱氏亦竭力奉養不廢甘旨無何麟又病劇泣語朱曰天禍吾家吾必不起二孀一孤以累汝矣遂卒卒之日朱

年方二十六一孤呈芳僅四齡有族人屢以橫逆來迫
朱嫁朱仰天大慟截髮自誓族人始慚沮去鄰里相歎
以為世節云萬曆癸巳呈芳子本固官御史具疏自陳
詔旌三節之門

劉氏二女者汝陽縣南馬鄉人也父劉玉生七女家貧
力田嘗輟耕瓏上歎曰生女不生男緩急非所宜其第
四女第六女聞之惻然誓不字人乃着短衣代父耕作
日以菽水承歡不啻兩當戶兒及父母相繼卒二女哭
之慟無力營葬即屋為塚不忍離親側也隆慶四年知
府史桂芳聞其事同督學楊俊氏躬詣其舍請二女出
見年皆逾六十推髻而前形容頗頽兩公太息為之泣

下為置一區於郡城題其門曰孝節双清仍月給粟布
贍之終身

諸生吾志學妻張氏女而士行言笑不苟及志學卒年
才二十有七守節不渝嘉靖三十四年旌表其門

庠生周基妻蘭氏基病卒蘭長號不食志甘司穴其凡
妹勸慰之蘭曰舅姑蚤世終鮮一丁何用生為越二十
日竟縊死柩側時隆慶三年三月知府史桂芳聞之為
文以弔請於台使具題旌長其門曰貞烈

御史羊可立繼妻秦氏可立卒氏年方二十六歲幼子
三桂甫三歲躬勤織紡撫孤延師姻婭中多奉為母儀
年七十七卒鄭撫陳禹謨表其事後舉人羊一中妻吳

汝陽府志卷二十一
氏年二十七歲而寡守節四十年卒直指崔邦亮旌其
門曰一門雙節

汝陽省祭李紹妻張氏年二十四紹卒張七日不食誓
甘同死姑抱兩嬰苦勸始食撫子夢登夢陽及遺腹子
夢蛟俱為邑弟子員年七十七事門詔表其閭

生員劉鎬妻景氏鎬故氏年二十六事姑教子節孝兩
全事聞詔表其閭

舉人孔心繼妻宋氏心卒氏年二十五歲無出撫前妻
子守節四十年崇貞十四年旌表

生員趙孝祖繼妻余氏孝祖亡氏年二十四歲撫前妻
子勤苦終身御史金光辰題旌表

經一魁妻馬氏魁亡氏年二十九歲苦節踰五十年御
史劉令譽題請旌表

田貞妾劉氏貞年七十病革置酒囑族人及子若姪曰
吾病殆不起劉氏可令其他適念其侍奉之勤為求一
良匹劉聞之痛哭幾絕迨貞歿七日家人往鄉刈麥劉
自置殮具沐浴更衣縊於棺旁

秋華妻張氏年十九而寡無子剔一目為誓家貧澣衣
自給不免飢寒守貞不渝年九十五卒

尹載妻馬氏尹亡日夜哭聲不絕水漿不入口者七日
卒時年二十八歲

生員溫允屬妻韓氏屬故韓年方二十歲崇貞己亥年

流賊破東關被執罵賊不從賊怒殺之次日其子往殮其屍韓目張見子始瞑司李于重華往弔之

李莊靖公妾余氏生子豫潢皆幼莊靖公歿遺孫根茂年十二根盤年九歲李氏族微並無伯叔兄弟時流寇猖獗將及汝寧余氏嘆曰莊靖為國元臣而後人孤弱如此李氏其斬矣遂將根茂託於舅孔門奇避亂湖廣次孫根盤託於姪孫余金未半載而城陷遂被害

舉人劉元琰妻桂氏元琰登賢書纔年餘病故隨舅姑赴任栢鄉明崇貞戊寅年栢鄉城陷僕婦勸氏逃走氏曰此去家鄉千有餘里又盜賊處處猖獗能免汙辱乎去將安之况吾未亡人自分一死久矣遂取案上刀自

列

庠生桂浚妻王氏崇貞壬午闖賊圍城氏謂其女二姐曰汝姊隨姑栢鄉城破自刎今又遭亂指其居邊大坑曰此我與汝之家也城陷看其女至溪水趕抱同溺死

至撈起驅之行不聽賊以刀背擊之氏大罵賊砍傷其背罵愈厲羣賊亂刀齊下立碎於井邊汝人哀之

某氏失其姓賊驅至營鋸坐頻呼之不應衆婦擁向賊義不受辱賊曰汝敢不從乎對曰雖死不從賊怒殺之

次日賊目嘆惜附以衣親瘞埋之

廩生孔門英妻李氏工部本因姪女也壬午汝城陷門

英病故氏年四十歲備歷艱險事姑宋氏不以荒亂乏故而少替婦禮姑年八十三歲卒年已六十餘矣哀泣之誠感動鄰里年九十卒

楊景先妻李氏年二十二寡年八十有二卒

楊名妻王氏子甫四歲王每夕焚香籲天佑子以存夫祀有司三上其事

訓導李謙妻田氏謙蚤卒二子在抱田扶櫬歸年六十八卒子俱庠生

千戶倪貴妻鄒氏貴亡子誠甫三歲剪髮傷目誓絕外逼居五十餘年子得襲爵

尹瓚妻王氏年十七適瓚子鸞數月孀居五十餘年

穆伯玘妻閔氏年十九適玘甫生子鸞而伯玘卒閔堅志五十餘年

王偉妻倪氏從偉隨父平陽年二十二偉卒子漑甫二歲年七十卒

鄭鼎妻劉氏年十九孀居子甫七閱月歷四十餘年卒倪斌妻麻氏年二十斌故京師子守仁甫八月守六十餘年卒

觀察楊位妻魏氏侍母疾食不下咽目不交睫者經旬後先八日母女偕亡郡邑稱其孝

舉人熊選妻鄧氏年二十八選亡子勉學甫三歲後封太孺人年八十二卒

生員張元吉妻石氏年二十二元吉故子庠生朋遠時
方二歲守二十三年卒

伍臣妻范氏年二十二臣亡氏撫子女忠嗣百戶官遊
擊將軍

劉綱妻孔氏年二十七綱亡守子廩生際美以壽終

董科妻嚴氏年十九守遺腹子生員自立歷七十餘歲
卒

劉正陽妻陳氏年二十四正陽故撫子九成九思年六
十八卒

生員趙明善妻樊氏年二十五明善亡哭七日而死子
大任大儒俱庠生

生員張拱北妻劉氏父仲寔國子生年二十一拱北亡子廩生復泰七閱月守三十一年卒

王琮妻劉氏適琮四年而寡子幼壽踰八十卒

任富妻王氏妾李氏李生思三齡兩孀護孤王年九十
一卒李七十二卒孫宏道庠生

生員白璧妻路氏年二十四璧亡壽七十二學使者旌
其節

張桐妻王氏適桐三年而寡子未及週壽六十二學使
者旌其節

生員王汝錫妾趙氏年二十三汝錫亡子之維郡廩生
甫三閱月氏年八十卒

劉啟陽妻閔氏啟陽卒氏年二十撫幼男九耀紡績自活儉勤訓子年七十卒邑令楊文昌給扁獎之

生員楊道晉妻謝氏晉卒氏年方二十守節撫孤終始如一年四十終有司聞其事獎之子楊世清庠生

李尚金妻鄒氏尚金故氏年二十六撫子克敬入庠次子克忠能書卒年七十七

監生桂首攀妻李氏首攀卒李氏年方二十一歲妾霍氏年十九歲矢志同守生遺腹子淳以双節舉於學給扁獎之

生員胡景寧妻趙氏夫故氏孀居撫二子長璋次瑞登庠瑞尤称名士奉詔表閭有節孝錄

沈一鰲妻胡氏一鰲卒氏年二十八紡績度日竭力奉姑六十餘年終

國朝生員傅孕恒妻賴氏孕恒從父任南贛歿於任所賴年二十四事舅姑撫諸孤歷四十年順治十五年巡按御史李具題 旌表子鸞祥副使鸞祥知府鸞祥廌祥俱廩食

傅鸞祥妾孔氏鸞祥歿氏年二十二截髮自誓遂長齋不如葷事太夫人賴氏三十餘年無少懈太夫人每向親族以孝婦稱之子世珏娶桂氏廟見後世珏病不起氏年十六即獨處一室非父母兄弟罕見其面

庠生韓萬珠妻戴氏貢生戴鵬女也于歸後十餘年萬

珠病故氏以死自誓數日不食遺孫四人長者垂髻幼者方在襁褓親戚勸慰氏免進饘粥家素單寒日以紡績自給縣官邱天英給扁以表其節

廩生李百史妻張氏于歸教年後百史病故氏以守節自誓事上撫孤歷十八年備嘗艱苦子超宗始補諸生旋食廩餼未幾超宗死以百史胞弟璠之子繼嗣氏年幾七十始一開顏

烈女黃年生王店黃星照女也許字王崗店李穎玉子士吉未及嫁康熙二十五年士吉病故女聞訃即涕泣不食以死自矢父母防之甚嚴後十餘日防稍懈遂自

縊知縣邱天英義其孝詳請台使疏聞 旌表

生員劉一俊妻陳氏二十而夫亡事舅姑以孝聞舅炳
篤氏夜禱天地燃一指願長齋終身以請舅命時舅卧
床聞神語曰爾兒婦為爾虔禱行將愈矣病遂痊崇貞
十七年汝城陽氏投井而死

崔文芳妻李氏嫁未數年文芳病故舅姑在堂子始三
歲家素貧氏拮据經營自食粗糲而時具甘旨以奉之
舅姑歿則衣衾棺槨祭葬成禮教子延之讀書成立縣
官給扁獎之

馬永福妻潘氏年十六而嫁永福病故子升秀方一歲
氏誓以必死舅姑皆近七旬嘆曰爾死則此子亦死馬
氏其斬矣氏忍死撫孤時明季荒亂氏從母弟避亂江

南紡績自給 國初遷里康熙三十三年 旌

王澤之妻鄧氏舅姑年老家貧典衣鬻釵以供甘旨而自噉粗糲子嘉孝任鳳翔知縣囑云陝西久旱當念百姓疾苦清廉仁慈方不負祖父積德教汝讀書之意

牛詳言妻韓氏于歸三載生子甫弥月詳言病故氏方欲從死上有舅姑下有幼孤氏艱苦甘受奉上撫孤皆竭力縣官表其門曰節孝双美子茹癸卯舉人汲縣教諭

庠生房隆周妻劉氏歸房生三子隆周卒氏矢志守節延師課子晝績夜紡艱苦萬狀歷三十餘年府縣給扁旌之

王明德妻吳氏年二十夫亡上事舅姑下撫幼子值年
荒甘旨無缺

庠生張有琪妻楊氏有早卒無子氏年甫二十二矢
志守節姑李氏亦少年喪夫氏事之甚謹人稱一門兩
節

魏繼孔妻扈氏留盆店人年三十五歲夫病故氏曰夫
死無子不如早死痛哭絕食至七日縊死柩前親戚奔
救見自焚紙錢灰未滅已無濟矣

生員楊芳妻吳氏芳死氏年二十八妾張氏年方十八
並無嗣止妾生一女家貧紡績自給吳守節四十三年
張守節四十五年邑令邱公給扁旌之曰苦節双奇

廩生費貽德子有純聘妻秦氏純死女聞訃不食七日而死

賈聲遠妻李氏年十九遠卒子方一歲撫之讀書賈堂兄聲揚妻馬氏聲標妻胡氏聲傳妻張氏皆夫死矢志守節

張存禮妻朱氏生子凱七歲夫故苦節四十餘年

時文泰妻孟氏年十七而嫁年餘夫亡氏矢志必死一日父呼氏出迎姑及出見一男子驚問故父曰為汝所擇婿是夕懷刃歸夫家舅姑亦謹防之夜使一女伴寢女寐熟氏遂自刎未殊死人驚起救氏猶手拒之以指自斷其喉而死

楊東高妻余氏東高蚤卒氏年二十二歲撫幼男霽六
紡織自活嚴于教子年八十而卒府縣給扁獎之

劉啟陽妻閔氏啟陽卒氏年方二十撫幼男九耀紡織
自活勤儉訓子年七十卒縣官楊文昌給扁獎之

霍言妻張氏性至孝姑年七十餘病卧床褥穢污皆手
自捧拂衣被時加澣濯飲食預儲精潔者自喂食之姑
賸蹟多暴怒逢怒則進以杖就而笑受之如此數年無
怨色言感其孝曰尔孝吾母吾當養尔母終身以報德
也遂迎妻母至家奉事之

邢忠妻張氏年二十六歲忠亡子方週歲全無養贍氏
矢志誓守孝事舅姑義方教子苦節四十餘年年八十

二卒子淑曷廩生

侯拱星妻張氏歸星值姑病劇氏告天願以身代姑痊
遂願如素終身賢孝之名著於閭里未幾夫故誓以死
殉親族勸曰汝子方二歲汝亡何所倚乎遂轉念撫孤
紡織苦度五十年如一日府 憐其苦節給扁曰完節
永年曰慈孝流芳子嘉祥樂善好施人推為長厚君子
王尊夏妻吉氏尊夏蚤故氏年二十一無子矢志守節
菟菟一身苦節五十餘年卒

吳允升妾李氏妻馬氏生一子甫八歲而夫故馬氏謂
李氏曰汝無所出又年幼可改適李氏遂自抉一目以
示無他志焉與馬氏共撫養其子成立守節五十年卒

生員李從嘉妻王氏知府主明福女也嘉死氏年二十
八事孀姑身任子戢訓幼子母兼師道脫簪彘姑勤儉
勵操事聞兩台給扁給穀

劉士秀妻陳氏年二十夫故矢志撫孤成人娶婦子卒
孫方二月育以成人備歷艱苦年八十餘縣官屢給旌
扁

馬永壽妻吳氏歸壽三載壽死氏即欲從死隣里勸阻
氏剪髮毀容示無他志止一女未幾又逝氏孤苦孀居
紡織度日舅姑年老多疾氏朝夕侍湯藥不怠有司給
扁表揚年八十二臨終呼夫泣血而死

宋之德妻任氏夫故氏年方二十三歲遺子廷秀方二

歲氏號泣誓與同死水漿不入口者五晝夜時婦姑年老以子幼百方泣諭始進飲食毀容持繁養姑育子苦節三十八年卒

陳美妻張氏歸美數年夫死氏守節撫孤四十餘年

許自德妻馮氏夫亡氏年二十六歲子麟方三歲次麟方一週氏矢志守節紡織撫孤孀居四十餘年人欽其節

李自純妻劉氏夫故年二十二歲子蘊甫三歲氏忍死撫孤苦守節四十年

張玉忠妻張氏年二十忠卒遺二孤尚幼氏紡織撫孤守節四十年

傅文敬妻趙氏年二十四歲守節撫孤年九十六一堂
五世府縣給扁獎之

魏永興妻薛氏生三子網經綸而永興死網等幼弱氏
上奉舅姑生養死葬特以孝聞撫孤慈惠勤儉教子義
方縣官給額曰今之孟母

庠生王昌妻李氏甌寧縣令大雅女也十七而嫁生子
勳二十二寡號泣絕粒誓以身殉舅姑慰諭曰汝夫止
遺此孤諸弟妹幼弱家事賴汝經理脫再不幸如此孤
與吾兩老人何氏始飲泣受命事親育子艱苦備嘗康
熙五十年 旌

方大正妻翁氏適方僅六載大正故先是姜應試寄三

十金大正貯於別筭氏稱未亡人姜來索號泣愴惶苦
無措或有以姜行詐欺娶孤又疑氏當哀焚不出以償
大正素慷慨信義自負是夜遺夢於氏白其金所在氏
即出而還之方氏內無叔伯外稀親舊氏侍孀母撫幼
子三世一身值姑卧病薪米湯葯氏脫簪剪髮備之姑
得以愈姑汝竭辦殯葬哀毀盡禮紡織勤儉樂施培德
常以孝友德行訓子合常在心目氏卒年七十一汝人
咸稱不特貞母孝母寔廉母云兩庠舉其事督撫按監
司給扁嘉獎子秉銓院丞秉衡庠生

貢生卒之鳳妻趙氏姑郭病割股以療夫病燃指願代

鄉閭咸稱撫台累扁獎之

旌

尚文政妻陳氏年二十二夫亡撫孤成立乾隆十四年
桂氏女年十五許字傅班嫁有日矣班病至期傅迎娶
之成禮即分居異室越三月班死女貞以終年七十七
鐘湘妻李氏年二十夫死守節奉如撫姪為嗣成立
庠生劉廷複妻傅氏年二十二夫亡貧無所依歸居母
家紡織自給守節三十餘年

姚訓妻越氏事姑至孝姑病延醫調治醫言嘗其糞之
甘苦始可用葯氏嘗之曰苦甚服葯數劑而愈

廩生劉廷相繼妻霍氏年二十二歲夫死繼嗣以延夫
祀勤婦工督課嗣子

庠生傅應傳繼妻姚氏年二十三夫死事舅姑以孝聞撫前妻子守嘉如已出多方教訓弱冠食餼

劉廷瑞妻朱氏年十九守節五十一歲卒

劉漢偉妻薛氏偉卒薛年二十五有遺腹越五月生子士英士英妻朱氏年二十六英卒朱依姑矢志守節薛六十四卒朱現年五十餘

劉天申妻張氏年二十二申卒無子親操井臼事舅姑無倦容後舅置妾生一子舅姑與妾相繼歿氏撫養成立守節五十五年七十有七卒

任履中妻丁氏年十七適履中孀姑吳食貧艱若氏畧無一怨言越九載氏年二十六子俊德方三歲履中卒

氏父往弔囑氏曰尔夫死勿以貧易志氏堅遵父命守節事姑以孝稱撫子成人

庠生趙景妻李氏年二十四景卒氏孝舅姑和妯娌撫孤子為諸生年五十七卒

徐聯璧妻單氏夫歿氏年二十五子元章甫四歲課之成立事翁姑以孝聞年八十有一卒

石興妻周氏于歸一載典貿易歷久不歸氏年二十一即對天誓曰夫不歸予永不改嫁後典終身未歸氏事舅姑五十餘年克盡婦道年七十有三終

樊廷樞妻周氏年二十五夫卒遺子建周上事衰姑下撫孤子曲盡孝慈垂十餘年子建周又歿婦陳年二十

八姑媳共守節以老

樊廷佐妻嚴氏佐卒氏年二十七孝姑養子誓死不嫁
後喪子撫孫蕙廩生成立卒年六十有五

桂世俊妻孫氏年未二十而寡撫嗣子荃成立學使以
貞節凝麻額其廬孫大經庠生

趙暉妻孫氏年十九而嫁嫁甫三月而寡父母憐之氏
曰人當無可奈何時決絕一死不如婉轉就義吾俟小
叔生子親為撫育成立捧一盂飯擎一杯酒奠吾夫墓
前曰兒某在此便使我相見九泉無怍色也言訖淚下
如雨舉家感動

苗筮妻陳氏結褵九年筮故遺子三週氏二十八歲哭

曰吾無孤兒不得相從地下未二年子天氏自縊得救不死舅姑諭之撫嗣子成立

王應壽妻譚氏于歸二載壽卒氏年二十一母欲嫁之氏痛哭絕粒累日族人勸進食越數年母終憐其少又以言諷之氏益死拒乃上嗣是孝養舅姑年七十二卒桂大受妻宋氏家貧于歸三日即斷炊氏勤事孀姑無愁苦狀越三載夫死遺孤光鑑甫九月朱以針指易米度日曲承姑志茹素終身鑑稍長教之讀書為邑庠生庠生羊濬妻傅氏事姑以孝聞濬死氏年二十子炳纒一週家貧無殯具氏以槌奩易之炳稍長出就外傳不以家務累之

霍岫妻賴氏年十九適岫越四載岫死時舅姑年皆七旬家甚貧紡織度日十七年奉事得舅姑歡心子裕容就傅讀書繼續先業補增廣弟子員

韓秉乾妻劉氏二十七守寡零丁孤苦擇堂好生員汝翼為子以承宗祀守節三十四年

胡氏映范女適息縣東鄉任澤厚三年澤厚死無子時胡年二十三奉舅姑命保抱幼女歸依母家守志歷四十餘年年六十六而歿

傅暢妻王氏十九于歸二十一歲夫卒生一子週歲矢志守節家貧衣食無所資惟紡織糊口

趙三陽妻楊氏年十七歸趙二十一趙卒無子立姪為

謙卒氏堅貞矢志勤勞課子守

卒上無翁姑下無子姪堅

年二十四倫卒守節撫孤孀悻厲志年

氏年二十八隆卒膏沐不飾米藥自如守

年卒

徐氏年二十六鼎卒上下無依零丁孤苦以

法自持守節三十五年卒

萬松齡妻李氏年二十二餘卒子方數月撫育成立苦
守三十三年卒

廩生孔傳試妾康氏年二十四而寡子甫七齡康治家
以儉教子以勤苦節三十餘年子繼澄增生

李光義妻張氏年二十二義卒孤三週亦夭折氏矢志
守節事祖父母及翁姑無不竭力年七十三卒

妻韓氏年十七歸羅事姑至孝不敢以家貧缺

疾氏晝夜支床無倦容兆瑞廷師於家氏中

恭後兆瑞為叔父復仇破家兆瑞卒氏年

孤清貧作勞年六十九卒

氏年十六李求婚有成議而未下聘振先

忽双瞽父廷瑞以兒失明求辭氏父母無以應氏從容
曰兒安命何以辭為婚遂定十八于歸越三載振先卒
孤甚幼翁姑勸曰青年矢志難事也勿自誤氏泣曰與
其夫節於後何如辭婚於前誓死靡他苦節三十餘年
劉澎妻羊氏年二十七澎卒家貧氏依母家度日苦節
自矢五十年

羊天衢妻朱氏年二十四衢卒氏矢志守節

監生楊履泰妻劉氏年二十七泰卒氏矢志守節季使
夢麟以黃鵠矢歌頌其門年六十卒子天保戊子舉人
楊履義妻桂氏年二十八義卒氏矢志守節撫育藐孤
四十餘年學使徐光文以松筠晚翠頌其廬

楊履謹妻和氏年二十五謹卒矢志守節

張應祿妻喬氏年二十七祿卒遺子天叙僅一週家貧

氏矢志苦節撫孤成立

陳廷揚妻李氏年二十五揚卒矢志守節五十餘年

趙廣居妻張氏年二十五夫卒遺孤五齡氏苦節自守

撫子成立

楊廷元妻張氏年二十五夫亡守節善事舅姑撫孤成立知府李絳以摺勵柏舟頌其廬時年六十八

楊存穎妻蕭氏嫁四載穎卒地僅十畝餘氏痛舅姑無依耕織拮据奉養備極豐腴而自饜糟粕立姪為嗣

何應舉妻張氏年二十三而夫亡地僅二十餘畝氏竭

力經營撫孤成立年七十五終

楊存尚妻韓氏嫁四載夫死守節奉翁姑撫孤子以孝
慈稱

王廷臣妻孫氏年二十八夫故撫孤子大章人庠守節
年七十一卒

宋守妻嚴氏年二十六歲夫卒無出矢志不二奉事翁
姑曲盡孝道

桂葱妻賈氏年十九于歸越二載夫故無出氏矢志守
節孝事翁姑擇姓以綿夫祀

洪山廟農民姚夫三女許字劉世孔年十一為養媳未
及笄世孔病故女矢志守節嗣子以延夫祀

王作楷妻牛氏善事舅姑楷亡氏方二十守節至年五十卒

午天位妻董氏年十七而嫁踰一載天位死氏就養母家年六十九卒

王朝海妻高氏年十六嫁王二十一歲夫故氏奉事翁姑生養死葬

黃元品妻趙氏年十九夫卒無子以姪為嗣矢志守節四十餘年卒

韓一品妻熊氏于歸三年而寡事姑四十餘年子燦僅二週鞠育至四十五歲而燦死撫幼孫成立年九十四卒

庠生王會極妻魯氏曾極故時氏年二十八孝事舅姑
守節五十餘年

廩生陳光琮妻趙氏年二十六夫故善事老親勤課藐
孤至六十六而卒子錫章諸生

監生郭克溫妻陳氏年二十四夫故上無親下無子與
姑苦守終

蕭子湯妻張氏年十九適蕭二十七而寡以節自矢撫
姪為嗣年五十三而卒

張大坤繼妻傅氏年二十一坤故守志二十年

孔傳孝妻楚氏于歸一年而夫卒守志撫嗣子成人年
八十三終

胡裕南繼妻侯氏晉州知州廷麟孫女涉縣教諭阜女也年二十六歸胡逾年而寡生一女殤撫庶出遺腹子殿磐思意周洽裕南妾丁氏亦守節自矢

辛氏解元立成女姪許字王鈞九歲為養媳至十八未成婚而鈞故氏嘆曰既入王門寧有他志要使純白之玉不留点瑕遂決意事翁姑曲盡孝道立夫堂兄銘子興教為後

張行妻吳氏年二十四而寡教子振声入庠

王心一妻傅氏嫁四年而寡時年十九撫一孤事二老兼以家事煩重度支不給所處益繁難也翁姑或少不澤傳曲意解之跪進飲食加殮乃止氏年近五十姑過

泄洩疾不能起中冓廁牖身親浣滌四十晝夜課子讀書常至夜分子德元入庠氏卒年五十三

高勲妻牛氏年二十八途遇強暴歌辱之牛羞忿自縊事聞於官按律治強暴罪事聞氏以烈

旌事在乾隆四十二年

煥姐母徐氏再嫁趙氏煥隨母寄養子趙趙族惡少欲污之煥自縊死惡少伏辜煥以烈

旌事在乾隆四十五年

徐構姐開一女年二十一歲族有無賴子以不潔事誣之女自盡官按法治罪女以烈

旌事在乾隆四十八年

李士智妻管氏年十九適士智趙二年士智病死氏孝事舅姑撫姪遐齡為嗣令就外傅遐齡為諸生守節五

十三年

霍連妻王氏民間婦也有惡隣李洛酒醉後突然登門
穢詈氏羞忿自縊死縣官詳請旌表

劉夢麟妻朱氏嫁三年麟病亡氏送葬後就坟前慟哭
遂自縊死夫兄瑞麟卽于是日買棺殮殯合葬夫兆

李之弼妻謝氏年十八歸弼結褵八載弼亡謝年二十
六遺子俟僅五歲家貧紡織度日撫俊成立俊妻尚氏
十六而嫁越六載俊歿尚年二十三依姑矢志守節謝
守節五十八年年八十四尚守節三十八年年六十一
吳守礼妻楊氏夫亡守節三十餘年縣令給匾獎之

蘇玉妻閔氏年二十二歲玉亡子紹祖甫三歲教勤
謹苦節四十餘年

韓煌妻姚氏年二十歲夫歿不食四日勉後撫孤時子國治方週歲矢志教育王學使旌以節勵冰霜年七十歲

閔鴻相妻桑氏年二十二歲夫歿子聖裔甫三歲氏享壽八十孫曾繞膝

閔聖德妻朱氏德卒氏年二十一歲子岐鳳四齡有勸之改適者剪髮以誓苦節五十餘年

趙允猷妻韓氏年二十三歲猷卒無子以翁姑年高無依忿死擇繼奉養卒葬合禮嗣子景泗文卒僅存一孫辛苦歷三十餘年

周定邦妻孔氏年十七適邦越二載邦故以弟庠生需

河寧府志卷二十一
三十一
霖之子兆青為嗣青娶妻萬氏生子長庚青與庚又相繼卒孔萬相依為命孔苦節五十餘年萬謹事之以孝聞

姚令遇妻徐氏遇卒氏年二十四歲兄嫂逼其嫁至重加筆楚而不屈以從姪蘭為子紡織度日年七十餘歲傅應第妻羅氏第故氏年二十六歲苦節踰五十年

陳國璞繼妻郭氏璞卒氏年二十一歲苦節四十餘年張其學妻霍氏年二十二夫歿無子以姪為嗣苦節五十餘年

傅應熊妻范氏熊歿氏年二十四歲子守素方三歲家貧依母家紡績度日踰五十餘年

廣南府知府傅應奎妾高氏奎卒于官氏謹視含歛旋自經於棺旁

李金章繼妻陳氏瑜之女章卒氏年二十一歲晝夜號泣水漿不入口者七日以死

李士智妻管氏年十九歲適士智越二年夫歿氏事高年翁姑稱節孝無子以姪遐齡為嗣課訓長嚴旋入泮氏孀居五十三載

趙允恭妻韓氏年二十九歲夫卒于景和方六歲氏事姑孝姑卧病二十餘載氏奉養一身自任之絕不委諸妯娌年六十歲

邑庠生孔繼庚妻韓氏孝廉光訓女也年二十一歲夫

歿子廣照方週歲氏守節課其子入庠食餼照早歿擇
姪廣見為嗣氏年七十

姜大鵬妻劉氏年二十三歲夫歿子來吉方週歲氏守
而三十一年大崔繼妻李氏年二十一歲夫以病中娶
未一月歿氏誓死守節與劉氏孝事其姑撫前妻子維
吉如已出壽七十六歲卒來吉妻任氏年十七適姜事
劉盡婦道十一載夫歿氏年二十八歲撫三孤無所姑
息讀書嘗以黍記教幼子繼思為邑增生氏守節三十
四年人稱一門三節

上蔡縣

〔明〕馬士隆妻左氏士隆汝州鎮撫元末陣亡左年二十五

携子徙陳州依舅氏居焉守節三十八年洪武未有司
上其事詔旌表其門

張侗妻趙氏汝陽人成化而歸于張十年而侗死即欲
自殺以從其姑曉之曰若有遺腹若死則張氏脉絕矣
趙泣而止已誕一子恭撫以成立為郡博士弟子員嘉
靖初事聞詔旌其門

吳景和妻李氏景和卒氏年二十有一數欲自絕母持
之不得死有遺孕踰月舉一男撫子養姑始終一節事
聞詔旌其門

蕭俊妻成氏嫺閨訓女則俊死氏年十九以遺腹堅守
養姑育子終身不渝其志年九十三而卒

程蘭香程秀之女已許聘賈氏子正德辛未為流寇所
執女大罵不從賊怒殺之後九十年為萬曆卒丑有程
英姐亦其族也適李生長春八年而長春死英日夜號
呼欲絕有少年欲娶之父母已受幣英聞飲泣乘聞緜
于柩側邑令張廷登上其事詔以兩女双烈出自一門
俱旌表之

田臘梅正德辛未流寇陷蔡死于寇難奉詔旌表建祠

祀之

舊載監生疇女字雷
黃門子罵賊剖腹

王尚德之妻邱氏正德辛未流賊陷蔡城邱氏偕衆走
避賊追之急顧道旁有井遂投井死有司上其事詔旌
表之

葉時菁妻李氏年二十一菁故無子氏矢志守節以堂
姪為嗣

董懷仁妻王氏年二十一懷仁卒無子氏矢志守節事
舅姑以孝以撫姪綸為嗣子綸妻陳氏年十七適綸十
九綸卒亦以守節終

劉正均妻孟氏正均卒氏年二十八歲子榮宗甫九月
氏上事翁姑下撫孤子艱苦備嘗殯葬婚娶事咸合禮
任紹祖妻賴氏年二十二任卒事親以孝撫孤以慈苦
節自守年九十卒孫瑗妻王氏年十九瑗卒事翁姑亦
以孝聞撫夫弟成人

庠生郭廓妻沈氏年二十五夫亡無子以姪聯輝為嗣

氏撫養成人讀書入庠

徐初妻許氏年十六適初越一載初卒矢志守節

馮明選妻張氏年十八夫故遺子數月氏矢志守節撫

子成人

范梅妻萬氏年二十梅卒越二月生子順宗氏守節自

矢撫孤成人順宗年三十三又卒遺孫廷甫二歲氏又

撫育成人年七十七卒

李士純妻唐氏年二十三夫亡守節

萬綱妻高氏年十八歸綱越八年綱歿高矢志守節事

舅姑以孝撫子讀書無墜夫志

蕭有德妻王氏十六于歸孝舅姑執婦工己而歲久大

疫有德死王年二十五矢志守節撫五歲孤無他志
固田家女有德貧甚其父母及中下場几六人皆與有
德同月死倉卒經營喪葬皆王一人力撫兩小叔一小
姑紡織不足給饘粥乃佃人田躬耕作儀度不失閨門
風範有族人為利誘迫其改適死拒乃已守三十餘年
門貞女父閱女年三歲許字薛成立子年十七成立子
病故女未歸薛將另擇配女堅志守貞至六十三卒
溫灝妻賈氏年十三歸溫越五年灝十八以暴疾殤遺
腹生女時賈年十七矢志不嫁父母舅姑皆憐其少寡
無子欲更嫁之賈氏不從晝夜啼泣數日不議乃寢姑
晚年生子乏乳氏取米汁哺之

桂大年妻劉氏，師訓導，潛女年十七適桂，越九載夫卒，有二女，又生一女，氏悲痛欲絕，撫姪為嗣子，光倫例授州同。

莊士樸妻路氏，年十八，士樸卒，氏矢志孝節，年五十六卒。

莊士俊妻馬氏，年二十四，士俊卒，矢志守節，年六十三。姚殿棟妻陳氏，年十七，適姚，未踰月，殿棟卒，矢志守節。莊維洛妻楊氏，年二十二，維洛卒，家赤貧，氏矢志不移，紡織以事舅姑姑，性嚴，虽小過責，不怨，氏甘受無怨，立姪為嗣。

張進德妻馮氏，年二十六，德卒，家貧，子幼，紡織撫育，苦。

而生曷若清潔而死遂乘間自縊死

生員劉源妻王氏生二子崇貞壬午流寇破城夫婦逃居東鄙夫病死王無所歸聞寇至恐受辱推二子於井遂投井死焉

生員 允寰妻薄氏崇貞壬午流寇將陷城同佃戶妻裴氏縊死

周論女周氏年十三崇貞壬午賊陷城先期縊死論語其子同其婦班氏連出城班泣曰去能免死能免辱乎亦自縊而死

李永昌女李氏許配鴛鴦店和氏而未嫁崇貞壬午流寇破蔡城邑人東走有奔瀦許西王家棲者賊迫回女

至樓下勒令下馬三人皆從一女獨僵仆于地即李氏也賊力携之數自墜賊曰癡女不畏死乎以刃加其頸恐之女不少思於是踞地起引頸受戮樓上見者皆驚歎焉

程大鵬妻程氏 傳逸

生員文星燦妻鄭氏生員文星耀妻周氏崇貞壬午兵至恐辱俱投井死

生員李映雲母宋氏崇貞壬午春流寇破城逼其媳縊死于馬房遂手扯孫女投井死

生員賈用售妻甯氏崇貞壬午冬同羣婦遇賊賊逼去造飯羣婦皆隨氏獨不從言我乃讀書人妻豈肯與狗

賊造飯撲地不起賊以刃加頸恐之羣婦皆勸氏曰我寧留清名豈肯遺臭罵不絕聲賊遂殺之

朱九瑞妻張氏崇貞壬午，女大姐避賊於彭家莊僻地囑女曰如遇賊斷不可受辱惟有一死既而遇賊氏詈聲大罵俱被殺

徐應順妻趙氏年十八姑年十六未嫁崇貞壬午賊逼不辱俱投河而死

孟述孔妻李氏崇貞壬午避賊於光武台砦中賊破砦氏懼辱投井中賊怒鈎出投烈火中焚其屍

王宏印妻蕭氏崇貞壬午賊破城擄氏不從被殺

生員蕭莪妻莫氏崇貞壬午流賊破汝寧懼辱投井死

蕭蒞妻王氏崇貞壬午流賊破城夫妻不屈罵賊俱被殺

田時良妻楊氏頗有姿色崇貞壬午同羣婦為賊所獲賊逼氏上馬氏不從大罵賊搦數十鎗而死

曾桂國妻劉氏

傳逸

申友寧妻霍氏友寧死翁年八十崇貞壬午掖翁避賊於豬潯坡中賊至欲擄氏殺翁氏以身蔽翁罵賊破殺閔文季妻王氏年十八崇貞壬午賊至抱一歲兒投井閔浩妻張氏年十七崇貞壬午賊逼不辱大罵被殺

宋敬繼妻王氏其前妻生五子崇貞壬午賊破城五子皆被擄敬語王氏曰兒皆被擄吾復何倚當速去將出

門見賊至王向其夫大哭曰吾與犯賊之鋒而屈於賊
寧捐軀遠辱以自盡焉遂投井而死

生員劉時寵妻王氏聞賊至先期自刎死事載劉時寵
傳

生員馬兆麟妻劉氏同王氏自刎事載劉時寵傳

烈婦不知姓氏年少色麗崇貞壬午同避難男婦百餘
遇賊於潯許西王家棧場內賊見其美先殺其中選婦
數人以恐之乃令婦上馬婦不從賊強携之婦倒地大
罵賊以小帶刀刺其頸婦罵愈厲賊大怒遂揮大刀從
婦私處剖及其胸腹中有胎亦觸刀而碎賊去同遇賊
者莫不咋舌皆以烈婦稱之鄉民馬英親見至今傳其

死之情景云

國朝

蕭三戒妻賈氏適三戒生一子而三戒死買方二十五歲撫遺子良廷至二十九歲而良廷又死遂與良廷妻馬氏同守節馬氏生子纜三歲名根固姑媳撫孫相得也馬氏又從亂中為賊逼不甘失節死相依者僅根固耳賈氏撫成人為博士弟子員生六子賈氏皆親撫之年八十八卒

劉氏陳州生員瑞徵女許字上蔡貢生王官鷄子志曾劉與王素嫻也康熙乙巳將嫁而王氏子死女矢志欲從姑執婦道不得遂拊膺曰吾不即死者俟姑來永訣

耳已而姑果至女執手泣曰兒為姑家鬼矣稽顙悲號以合葬為請姑聞哽咽難語旌為勸諭僕從聞之皆長號姑去遂自縊女居蔡之東鄙王氏處蔡之西偏因遺言而合葬焉

生員張文燠妻李氏年四十文燠與其子塚俱死于賊氏痛其俱死罄家貲以葬不顧也後家愈貧僕婢俱散去井曰皆自操氏晏如居斷村危樓人跡罕至夏雨冬雪更安然無怨咨族有過而憫之者氏怨嘆不形曰吾二十餘年大都如此不知其為苦又何期為節年六十五卒

張文燠妻康氏年二十五夫死遺二女翁欲嫁之氏以

義自誓且以遺腹聞于姑翁因不之奪及孕兒也依於翁盡婦道翁卒依於伯城破家毀而伯又卒歸依於父父貧不能給氏負兒携女復遠夫舊居結草廬半間棲焉時歲大飢氏日飽甚咽齋稍得穀食子女嘗抱兒避亂遇賊賊以刃刺兒氏抗肱庇之刃遂中其手後指掌屈而不伸艱難中仍紛綿度日兒甫長而殤氏痛殤處貧亦恬如也復後依於姪年七十有三無疾而卒侯繼魁妻李氏繼魁死氏年十九兒甫一歲家貧無倚誓不再醮撫子成立年六十五卒

李彥祿繼妻董氏彥祿死氏年十六撫前妻兒三人長九歲次六歲次三歲依伯彥名而居三子皆成立年六

歲荒寇亂教子讀書成立

生員景啟麟妻宋氏啟麟病卒氏年二十六泣號不食誓必殉其母反復諭之姑復食撫子植甫成立

高岱妻張氏年二十一歲於岱死之日自縊柩前

桂毓方妻劉氏年十七歲於毓芳病日即不飲食矢同死及毓芳卒果自縊

張偉妻劉氏年十四字偉公姑早亡遺祖母孫氏年九十有奇孫氏病氏焚香告天願以身代遠近以孝称氏年二十七歲生二子妾章氏年十九無出而偉死遺長子四歲次子尚在襁褓家豐厚惡族強隣欺壓寡孤氏與章矢志撫孤倖獲保全教子讀書為學宮弟子嘗捐

粟二百石濟飢孫道經都司僉書職康熙十八年提學
吳某以匾表其門

邑庠生姚敷治妻潘氏歸姚八載克盡婦職敷治病劇
矢以身殉敷治知氏性貞氏以老母及遺腹相託及治
卒氏念夫遺命遂忍死作未亡人越三月子姚謔生
撫之成立

生員潘標妻蕭氏于歸二載年十九而標得疾
夜立卧榻前不暫離私叩神祇視以身代及標

氏曰母年邁我不克奉事惟汝托且汝將育
我

宗祧猶存也我死願汝自愛遂以守節終邑人公請

旌表

楊興泰妻劉氏年十九歸興泰甫八載而興泰卒氏舅
姑年邁孤子幼穉奉養撫恤為事守節數十年

李方永妻張氏方永卒無子時氏年二十一以苦節終
張好李妻魏氏好李卒氏悲號絕食幾死舅姑憐而勸
之氏勉承命而食撫姪為嗣

府學生員景林妻劉氏年十七歸林甫一週林死撫遺
腹子以節終

張國模妻潘氏歸國模生子振邦方二週國棟卒撫子
補學官弟子

吳茂妻徐氏母家遂平年十七歸確邑吳奉舅姑以孝
聞生子尚文甫三歲茂卒泣撫尚文曰我夫宗祧惟貌

孤是依若以身殉夫家貧子幼不克成立負所天矣遂
忍死撫子成名

党有材妻宋氏妾馮氏夫亡守節

李馬妻商氏拒暴自縊乾隆二十七年 旌

〔正陽縣〕

〔明〕張氏張五之女方六七歲時有媒妁來議婚曰女首有
瘡女以為辱已遂泣而誓不嫁人及長瘡愈猶守前誓
父母強之便欲自殺至九十六歲而終

橫山烈婦者不知其誰氏夫亦失姓氏以其家於正陽
之橫山故云嘉靖三十三年大盜任泰據橫山聚眾千
人劫州縣當道檄所在官兵會剿時烈婦之夫方荷鋤

而號曰天乎徒以我故累兩少年何不令速死撞石幾
絕二婦扶起相守于景度樞側李官劉嘉績聞其事區
十門曰栢舟並矢月給穀數斗後遭寇亂焚閨廂而死
生員王銘妻王氏年十八夫死長子基固方二歲次子
際秦方月餘族有利其產迫之嫁者氏不從誓撫二子
皆為諸生年七十六終

生員陳侶妻劉氏夫死子甫一歲家貧氏誓不再適守
節撫孤年八十餘而死于寇難

危大姐危世文女詩聘邑人段我用子華黼黻以墜傷
左足其父請辭婚曰兒不幸成廢人不忍辱公女女年
十四聞之即泣語其母曰婚姻天合一言已定壻之不

幸吾之命也願生死以之後黼病死女痛哭欲往弔其父兄止之不果行乃請以平日之女紅及嫁奩悉以歸段其母曰此可留為異日用何必悉歸之女曰段子不可再起吾物可再用乎遂登樓自縊母急救之已無及矣天啟三年詔旌其門

王瓚妻寇氏瓚病死氏年十七歆殉其夫閤戶自經者三屢為姑救得不死遂自矢不如葷衣縞素歲餘猶痛哭如初表家貧有議聘者姑陰許之氏偵知即托疾不食而卒崇貞四年事聞旌表

龔可印妻曹氏年二十夫死子欽方三歲撫之成立崇貞乙亥寇至被圍氏懼身辱投井死

國朝

許大金妻周氏夫亡氏矢志守節五十七年順治十八年請旌

生員雷雨辰妻李氏夫歿時氏年甫二十五歲子聲揚方二歲氏甘貧苦守撫孤成立台使賜匾表之

庠生王之純妻劉氏夫死氏年二十四歆以身殉親戚以子幼力鞠至再乃不死家貧率長子七歲次子五歲負土成坟延師教子自甘淡泊親紡織以資束修子遵義遵道遵路並食餼于庠縣官給匾優獎

楊老姐玉璧女八歲許字龔洪興為妻未嫁夫夭老姐投緣數次不死時父母已老家貧無子老姐誓為龔姓

守節奉父母以終乾隆五年 旌

邑庠生王維宸妻袁氏年二十二歲夫亡不嫁薄田十餘畝紡織度日奉翁姑其孝謹守節四十餘年乾隆二十九年 旌

陳惠姐陳太之女九歲許字秦喬齡為妻寄養秦門未及婚而夫歿惠姐自誓代夫養親翁姑卧病數年惠姐侍奉益謹歿後竭力營葬守節四十餘年乾隆五十九年 旌

田育明妻鐘氏年十九歸田生一女甫三歲子方三月崇貞壬午夏城破舉家被擄氏自縊賊以刀砍繩刺左肋而去逾時氏甦至一月闖賊破正陽育明再擄去莫

知所終氏憂憤成疾幾死順治甲午為女許字子結姻
氏嘆曰吾事畢矣遂絕粒六日而死士民陳其事于縣
詳請台使題 旌

〔新蔡縣〕

〔明〕梅果妻張氏名釗果死氏年十九誓志守節孀居五十
餘年動遵禮法鄉里稱之有司上其事詔旌其門

韓拱妻李氏霸賊亂李被虜知不可脫給賊曰我有首
飾在舍後井邊藏匿取來從汝去賊諾之氏至井以身
投下而死有司以事聞詔請旌表其門

史秀妻袁氏年二十五歲秀死氏守節不出戶雖親戚
罕得見其面流賊至其家獲之氏大罵不從又焚其居

罵愈厲賊知不可犯手刃之縣官上其狀旌表其門

楊佐妻李氏遇亂為賊所執殺人并賊以繩引之出欲
汚之氏堅執不從賊怒而殺之且支解焉有司以間詔

旌貞烈

生員吳一中妻曹氏都御史鳳之女一中有文行鳳以
女妻之一中病將死氏以同死誓時氏有娠一中止之
曰生男可存宗祀一中死後果生子忍死撫之勉事舅
姑未幾中原兵燹家亦零替子又殤有求婚者氏忿而
欲死剪髮自誓寄居兄家坐卧一室童稚不得踰其閫
預知死期而終知縣內江閭公覈實將請旌表先為表
門拜墓後兄子亨以尚書致仕訪其夫弟子醇儒立為

後

國學張儉妻梅氏年十八適儉儉且幼孤母崔撫之成立氏奉姑惟謹夫歿以立孤自誓守節三十年子莘補諸生孫九一為名臣

生員張大紀妻梅氏紀卒梅年二十四歲堅志守節撫養伯氏子注為嗣教訓成人中式嘉靖己酉鄉試

張宗麟妻戴氏適宗麟無所出乃勸宗麟納妾王氏生子方一月而王卒又一歲宗麟亦卒舅姑欲令他適氏曰本期與夫同死奈撫孤無人如欲強我我其死耳家貧紡織度日子恃諸生知縣曾禮於其廬

劉太時妻方氏夫亡舅與繼姑尚存不見憫恤氏堅志

守節作女工奉養舅姑歿泣哀親故為之殯斂焚棺獨處或間日一食絕無怨言鄰里或周之不受惟以十指餬口年七十歿知縣史嘉其節買棺斂之合葬夫墓

宋大經妻張氏賢而有禮事嫡得歡心大經病急氏卽少食大經死氏以頭觸柱氣不絕如綫竟日始甦嫡慰之曰汝可姑待送殯氏勉起如常家人漸安之及葬後氏潛就大經靈前再拜曰侍婢今日從君地下矣拜訖乃縊家人覺而救之氣已絕嫡李宜人大哭失聲命其子通參公訓治喪事葬大經墓側

廩生曹季彥妻馮氏妾趙氏夫歿同志守節紡織自給三十餘年鄰里罕見其面知縣嘉其節申請藩臬獎之

王佩女許字生員袁奎子祚昌朱嫁而祚昌死女聞訃自縊兩家議合葬知縣譚銘其葬

股惟英妻徐氏年十九生子繼夏甫九月夫亡守節撫孤成人知縣王申請獎之歲給米二石年七十而歿廩生朱有聲妻黃氏年十九而寡並無子女守節五十餘年知縣潘申諸提李呂公耀批准獎之

魯聯芳妻鐘氏沈堀人夫死日哭位誓葬後死所親謂之曰子然一身雖死何益氏喻其諷已乃強應之夜縊夫柩側報聞縣令潘表其門曰表烈維風

南康府同知高仰斗妻朱氏仰斗卒後當賊至被獲懷抱一女賊殺之氏罵賊甚烈賊怒碎其身

溫國器妻李氏既嫁返母家被賊掠之氏號泣罵賊賊怒以刀劈其首而死年僅十六崇貞乙亥正月初七日也

生員李世纘妻金氏寇亂被獲抱小兒投井中死死與溫李氏同日

生員王錫允妻高氏崇貞十七年寇被高家寨氏被擒罵不絕日賊以亂刀碎其身

生員張同脉妻馬氏通政從龍女同脉為鄰御史九一孫氏嫁後孝事舅姑勤儉佐夫生子敏文夫死守節撫妾子尚文逾於已出二子稍長遣就塾先後補諸生氏

以節終

張宗道妻韓氏夫病篤氏禱於天順以身代未幾夫死
哀痛自縊鄰婦救之且勸之以親若子幼誰為奉上撫
孤者氏勉應之以節終縣官累表其門

訓導楊霖培妻馬氏貞生登龍女年十八適楊崇貞八
年流寇至沈珣氏携婢蓮花投河死年二十三後人名
其河曰蓮花塘

生員黃色燦女年十六未嫁崇貞八年大寇掠沈珣女
被擒罵賊不屈賊欲殺未決女語庖人曰我黃某女可
寄言我父我死於此無他慮也賊迫之罵愈烈賊怒殺
之父在家亦被害族人收屍葬之

廩生鄭引陞女年十六遺流寇之難女被執義不受污

罵賊賊大怒肢解之時崇貞丁丑十月也

國朝

曹貞女本虹縣曹吉念女前字杜氏子杜遠遊不歸父
母欲另許他族女誓以死守久之杜絕無耗其母憐之
且曰父母為女計長久而女堅執如是終身將誰依耶
女曰兒以身許人虽未奉巾櫛義已定矣安忍他適終
身侍親側寔兒至願母遂全其志無他議後歲飢其父
携家流寓新蔡縣西南弓橋灣女勤紡織以佐生計迨
父兄相繼亡困頓益甚嫂與姪遇之不以礼女能安而
化之相依終身卒年七十五

馬貞女幼許字某氏未嫁而某氏子夭女年十九聞計

奔喪誓志守貞以終

苗烈女城南人未嫁而夫死聞訃即自縊母救之得不死家人嚴防之逾年女強為笑言母漸安之女乘間自經計其日則其夫死忌也計其夫家與柩合葬知縣富令具祭品奠焉

陳九姐澗頭民陳秀女年十五携幼弟往田間有惡人謝狗者見之驚走其弟強欲污之女大罵狗以鎌刀之適知縣往驗求謝不得置其弟於懷啖以菓問焉謝忽從人隙中出其弟指示之謝具服官置於法為烈女請旌表復為表其墓墓在澗頭南里許乾隆二年事也

朱老姐舟人女也締姻王姓亦舟子婚有日矣泊舟李

莊橋畔以待嘉禮有賊覲其舟中奩資夜往竊之女父
以為盜赴岸求救賊入後艙逼女索簪珥所在女不應
俄聞岸上人聲嘈雜欲遁去夾岸植械如林漁戶又設
網於河去路阻塞賊窘甚抽刃加女頸女呼號求援大
呼曰女為賊所執辱已甚賊沒於水女亦中擊死葬李
莊集外乾隆四年七月二十二日事

拔貢生鄭成燧妻王氏夫亡遺孤欽陞甫兩月姑次明
氏以舌舐之復明教欽陞力孝登進士官部郎欽陞子
鼎鎮妻周氏歸鄭五載鼎鎮捷南宮選長寧知縣卒於
途次氏聞訃欲死姑慰止之撫孤慶瀚成立慶瀚有文
行歲貢入成均康熙年兩世苦節有司稟請旌表

李才妻彭氏年二十三歲夫亡子尚襁褓家貧族人導以改適氏執刃欲自殺事遂止勉力養姑撫子以終守節四十四年雍正十三年請

生員閔澄元妻王氏早寡守節撫嗣子成立乾隆七年

旌

監生馬汝驥妻周氏年二十歲夫亡遺孤方朶月栢舟矢志孝事老姑撫子成立守節四十餘年乾隆四十六年請旌

生員袁紋妻耿氏年二十二歲夫早亡無子族人為繼一孫撫之守節四十八年乾隆五十一年請旌

生員劉墟妻苗氏夫亡守節善事舅姑撫孤成立乾隆

三十年請旌

袁嗣宗妻高氏夫亡守節撫子生員象旭成立提李盧給匾獎之

袁承宗妻高氏夫亡撫嗣子例授州同益謙成立督李盧給匾獎之

王瑞妻楊氏年二十二歲夫亡守節事繼姑撫嗣子紡織度日夫兄有遺女氏育如已出擇婿嫁之守節三十餘年

曹芸妻袁氏年二十五歲夫亡遺田三十畝養姑教子守節四十九年子開泰生員

段秉彝妻魏氏于歸二年而寡守節教嗣子節食餼力

舉三喪邵早夭偕孀媳撫孤孫讀書守節四十七年

王來鳳妻趙氏二十而寡子錫福生甫九日氏上奉舅姑下撫弱息持家事井井有條理守節六十五年

劉存義妻王氏年二十四歲夫亡携二子移居鄉庄奉事舅姑養老送終守節五十六年

熊夢桂妻李氏年二十夫亡舅姑隨逝遺二子尚小夫弟幼孤夫妹方七月氏乳之為營葬舅姑與夫畢復為夫弟妹婚嫁守節四十年以終

郭文季妻宋氏年二十一歲夫亡隨妯婦奉舅姑惟謹既而舅姑死伯妯亦逝遺子殿鰲氏撫養維勤人以全節存孤重之

李彭高妻余氏年二十夫亡姑尚存子週歲族人勸之改適氏不從守節奉養教子成立守節三十一年

李鏞妻鄭氏年二十二歲早寡守節事始教子以終

葉興妻趙氏年二十歸興四年而寡遺孤甫二歲姑老而盲家貧姑勸之他適氏以死誓無改志紡織奉養以終孫清芳生員

耿紹妻姚氏年二十一夫亡竭力奉親辛勤育子氏母張氏亦早寡無子氏迎之家奉養終身守節五十四年徐乾妻李氏年二十一早寡守節事舅舅歿祭葬盡禮旋攜子返母家自食其力兄憐而助之

曹秉坤妻傅氏夫亡時子甫三齡氏以立孤自誓守節

四十餘年餘有不能婚娶者氏資助之臨歿時孫曾幾
三十人

王嗣臯妻韓氏年二十一夫死無子奉姑惟謹姑歿竭力殯葬泣拜於墓曰吾事畢矣欲觸樹而死族人止之立嗣嗣之督李獎其門曰勵霜裕後氏壽八十二歲而終

韓經妻王氏年二十四歲夫亡紡織奉舅姑喪撫子成立氏瞽目復明苦節三十六年以終

時柱妻金氏年二十二夫亡家貧姑勸改適氏矢志靡他織紉養姑教子力農以節終

時振邦妻李氏太學生存仁母也年十九而寡上奉舅

姑下撫穉子以守節終有司獎以松筠勁操之額

時慎妻劉氏年十九適慎三載慎歿氏矢志不二事舅
繼姑以孝著撫子亦成立

張志强妻高氏年二十一早寡守節奉老親撫嗣子歷
五十餘年以終

楊鳴岐妻張氏夫亡有繼姑在氏善事之嗣子世俊既
婚而歿氏與寡媳童孫相對飲泣猶不敢使老姑聞哭
子声也

梅世錦妻劉氏年二十一夫亡撫夫前妻子鈺如己出
為鈺娶妻陳氏鈺死氏與媳兩世孀居以節終

耿君士妻姚氏早寡有二子一女教子耕讀分業氏守

節以終

耿東政妻馬氏夫亡守節善事舅姑有三女皆嫁之撫
姪為子娶婦而死氏哭子得疾以終

生員袁伸妻王氏年二十四歲夫亡守節家貧如洗姑
勸他適氏不從姑盲氏竭力奉養以老終

官應蕭繼妻丁氏年二十四歲夫故矢志守寡撫前妻
幼子如己出事翁姑養生送死俱盡其禮戶部韓朝衡
賜節茂松筠之額

生員張光文妻曹氏夫亡教子璣為諸生

生員曹顯祖妻楊氏夫死撫子其勤為娶妻其勤又死
氏偕媳閻氏撫嗣孫開桂貴成立入庠

生員姜金門妻李氏弟玉門妻吳氏皆夫亡守節共撫李氏男文明為附孀生孫卓雲歲貢生

楊鵬岐妻徐氏夫出外不歸氏時年二十八事姑養老送終教二子成立

劉鈞妻謝氏夫亡撫二子成立魁龍庠生

馬部妻徐氏嫁六年夫死撫孤成立

耿倫妻楊氏夫亡撫孤成立

鄭世本妻陶氏夫亡撫嗣子道南為附學生道南子域尚妻謝氏早寡氏撫孤成立

耿士敏妻高氏嫁一年而寡遺孤三月撫子大文成立人庠

生員郭又白妻朱氏年二十七歲夫亡守節五十餘年
子銓妻王氏亦早寡姑媳孀居撫孫成立

高适妻李氏生員高崗妻耿氏适崗兄弟皆早亡李與
耿同志守節撫孤李子其志妻楊氏亦早寡苦守三十
年撫嗣子成立

楊桂妻劉氏年二十三歲夫死無子以節終

郭錚妻陳氏年二十守寡孝養舅姑撫孤成立

王洛妻張氏年二十四夫亡撫嗣子友相為庠生氏以
節終

李祥妻汪氏年二十守寡撫遺腹子中元入邑庠督學
徐獎以苦節存孤之額

庠生徐世學妻李氏 賜封修職郎聲金女嫁而寡撫育
嗣子以節終

楊渙妻何氏 年二十三早寡有遺腹子教之成立

吳道修妻袁氏 夫亡無子以姪朝班為嗣教之成立

賈世聞妻馬氏 嫁二年而寡撫夫異母弟成立

鍾濬川妻盤氏 夫亡守節撫子成立以終

楊岐鳳妻馬氏 夫亡守節撫子成立以終

馬應瑞妻楊氏 夫亡守節撫子成立以終

監生魏懷琮妻楊氏 夫亡撫孤守節而歿

劉潔妻楊氏 嫁一年而寡事盲姑能盡養子蘭馨附學

生

馬秉廉妻賈氏夫亡守節教子恭安為邑庠生

監生楊振武妻袁氏夫亡遺二子守節以終子嘉言庠生

焦維恒妻張氏夫亡撫嗣子以節終

李某妻姚氏于歸時夫病危不能成禮氏視疾月餘夫死氏即自縊家人救止之防守甚密教日歸母家遂自縊而死

張氏池言之妻夫乘月耕於野氏掩扉卧鄰惡陳美者矚知之啟扉入偽假田器挑以言畝至其卧處氏呼號美而出明日氏羞忿自縊

楊三思妻倪氏年二十一適三思家貧歲為人傭越六

年三思死無以為葬氏泣募族人欵錢葬畢即自縊死
塚側家有一犬蹲守塚間鄰人呼之不去遂之復來十
餘日死於塚旁

陳紹烈妻馬氏嫁三年生一女甫兩月而夫病劇氏割
臂肉療之不起氏俟斂夫畢抱女投水死年二十二

王烈婦宋家崗民婦也夫死氏即投緣姑救之復 數
日返母家母家勸其改適氏泣涕請賣嫁資預為舅姑
善後事家人從之次日氏偕幼弟往拜夫祖又拜舅姑
拜訖哭而後去舅姑意其辭去也泣而送之繼又哭於
夫墓哭已拜已謂其弟曰吾尚有事與姑商尔明日來
迎弟遂歸行甫數十步聞声回視烈婦已觸樹死矣

汝寧府志卷二十二

節烈

西平縣

明孫敷妻王氏御史良之女孫年二十五而夫及子俱喪家貧姑憫其寡欲嫁之王泣曰夫死無子姑者無依我若再嫁是無義也不義而生孰若死引刀欲自殺姑泣而止之乃以女招婿躬率操作養姑以終事聞詔表其

門

毛鵬霄之妻田氏鵬霄守汾州寇亂圍城死之田携二子旋家雖饘粥莫給惟以不替家聲為兢兢子祥振先後登甲科

張妙秀受聘陝西叅政尹聰之孫琳未娶而琳卒秀請于母至葬所躍身壙中以頭觸棺泣歆同穴其母強扶之出挽之歸曰此吾家也遂留不去一日姑病思鹿羹秀密割左臂以進姑食而甘之疾果愈年甫二十而卒賈德山之女賈貞女年十五正德六年霸寇陷城見父被殺罵不絕口賊以好言慰之遂奪乃自刎事聞賜名慧姿勅建貞節祠祀之

周氏女年十四許聘王姓不踰年夫卒其母率之往弔慟哭幾絕母勸之歸白兒王氏婦也奚歸願留養姑姑曰吾家貧甚一身且無貲胡能贍汝勿以我故負汝一生也女曰不敢累姑乃敝衣惡食晝夜紡織以奉姑者

二十年正德六年霸寇陷城氏與姑俱被擄氏紿賊
汝能脫予姑何難汝從姑得釋賊迫之曰殺則殺矣誰
汝從耶罵不絕口賊怒斷其首肢解之嘉靖年間聞于
朝嘉其節孝賜名采蘋以旌之敕祀貞節祠

李氏李紳女正德六年霸寇破城被擄大罵不從賊斷
其舌尚怒目不已賊復割其目比死身無完膚紳見其
女死奮怒持刀殺賊賊並殺之事聞詔嘉其節烈賜名
明良立貞節祠春秋祀焉紳亦配享忠節王公祠

毛選妻劉氏正德中死寇難至以刃解其屍祀貞節祠
在氏平陸令夏古淵之妻也古淵卒正德六年霸寇陷
城執其翁欲加之刃左跪求代死賊不可氏知不能救

給賊更衣登樓閉門投緣而死賊閉翁于室焚之祀貞節祠

蘓氏義士槐升之妻也正德六年升死寇難有子得岩及遺腹子得珠岩娶婦辛氏早夭無子姑媳遂同守節事聞以雙節旌之

李某妻陳氏正德中夫卒其母憐其蚤寡欲嫁之陳潛出城西北隅氏涯自縊于短桑之上而死

張堯心妻劉氏夫卒自縊

樊守緒妻呂氏年十八生子衛方一週夫卒苦守育孤讀書成立郡邑學使並旌之孫異國崇貞己卯舉于鄉
恭政李克敏繼室武氏敏卒時武方十九無所出堅守

生

魏氏名淑潤國瑾季女年十七適張纘僅期月壬午流寇攻寨陷曳之上馬潤力拒罵不絕口賊大怒刃之鄉民丁進科妻左氏崇貞十六年夫死寇難左方十九殮尸入棺慟哭幾死葬之曰令廣其壙勿封至夜半縊死于夫之棺前同穴葬之

馬作霖妻史氏夫為流寇所傷慟哭三日自縊而死

劉學詩之妻邢氏廩生有源之母詩卒邢年三十四源方三齡明季兵火焚劫迄無寧宇邢以隻身携子展轉遷徙辟纘教子丙夜弗輟邑令學使者旌其門

恭將王允栢之妻魏氏遊擊請纓母允栢卒于王事魏

幼寡即以不二天自矢茹藥飲水躬自紡織以忠孝課
子勉之克振前業請纓為遵化遊擊屢奏邊功母教為
多得請旌表

宋光紳妻范氏素明大義崇貞十五年四月十五日流
寇至被擄義不受辱罵賊死

生員耿拱樞妻賈氏樞死寇難遺孤一歲堅志苦守節
行不替

國子生趙之瑛妻李氏流寇執瑛不屈而死遺子映星
映斗俱幼氏堅守撫育後映星得為諸生

生員劉漢英妻劉氏聞賊陷城罵賊被刃與夫漢英同
為賊殺

蕭必賢妻張氏年二十一賢亡甘心荼蘼撫遺腹子
來躬親紡織鳳來人府庠

義民新德之妻張氏德卒張年二十孀居二十餘載遇
流寇義不屈辱罵賊而死

生員魏國俊妻王氏國俊為人慷慨博雅有古人風中
年病故遺子道隆尚幼撫育教訓二十餘年明季遇流
寇盡節身死子道隆入南陽府庠

武夫丁四之妻戴氏四戰死汝寧府氏時在邑人有謀
娶者氏峻拒之盡散家財謀歸夫尸營葬之日即自縊
墓側里人為合葬夫塚

劉天眷妻戴氏崇貞十八年流寇破西平氏懼不免整

衣入室以火自焚而死

楊氏楊士英之女士英懷仁知縣忠節有傳氏十八適郭世法僅一歲夫亡氏願以身殉其姑亦孀居謂之曰吾在汝即死且汝又無子使吾何依乎氏乃不死守節事姑後姑歿氏歸與母同居及母亡氏年已六十獨處自贍苦節五十年年至七十餘

游擊陳心諶妻王氏心諶隨征闖賊死難遺子陳言陳組綬等尚幼氏撫育教訓冰操終身其子先後入庠

生員陳心証妻趙氏遭闖寇作亂心証避難南行遇寇身死遺子陳濟甫一歲氏負逃難撫孤完節子濟長久

府庠

張贊化妻王氏贊化急公好義夫歿王氏以不二天自誓紡織教子清操數十年善譽著于閭里

張氏名誠姐貢生張我志女許配同里王道久垂婚而天誠年十七絕飲食母姊勸諭誠曰受聘之日已為王家婦復何言自經入室即道久死之明日也康熙大年縣為請旌于季使撫鎮

于氏庠生于應昌女許配舞陽人王其輯其輯補諸生隨天于年十四隨父母往弔謁拜姑氏慟絕如不欲生願留舞陽事姑母姑百計勸諭卒不聽至破面毀容侍姑九年曲盡孝敬康熙七年二月二叔俱已婚其一補庠生日事姑者有人矣忽一日整衣升樓最高顛自投

于地而死舞陽知縣上其事請旌其門

增廣生魏思學妻李氏思學早亡氏無所出即以靡他自誓經歷變亂冰操終身

庠生耿拱垣妻李氏拱垣早逝氏無子貞節自守

生員魏復相妻劉氏復相早逝氏敬事翁姑養生送死苦節四十餘年子錫斗孫孕清皆諸生

生員王印瑞妻任氏夫亡守節子允亮長入邑庠

馬三桂妻耿氏崇貞十八年寇至大掠獲其夫氏大痛罵賊賊義而棄之僅掠其夫而去時二子長甫五歲次三歲氏誓死撫孤九十三而終

楊華生妻趙氏華生得痿疾及篤氏曰夫若不祿死以

殉夫華生曰我幼寔通於僕妾生子後鬻他姓若謀撫之以全宗祀後不果贖氏遂死之縣為請於上立碑北門外

揚貞女許配耿纘祖未親迎而纘祖卒氏不欲生父母許其守志奉姑及後改聘氏隨焚其衣奩而自縊死葬耿氏地知縣陳光祚詳請旌表墓在城南五里墩貢生耿纘烈妻趙氏嫁未數載而夫病翁姑俱得篤疾家道消乏氏躬謀葯餌饘粥及先後三喪皆一身經理艱難險阻歷數十年撫子成立而逝

董其坊妻魏氏甫于歸而夫卒無子氏守節以終

耿景曾妻陳氏夫亡守節奉旌

張方琳妻趙氏乾隆九年旌任鳳祿妻杜氏陳璋

妻吳氏生員趙景升妻張氏乾隆三年旌龔沛霖

妻王氏霖長子璧妻李氏繼子君佐妻李氏乾隆六年

旌高成妻夏氏乾隆十六年旌

張學洙妻劉氏張學泗妻許氏張九思妻李氏夫

亡誓死守節各數十年

正久姐字張保兒未婚保久出不歸議改字女覺自縊

乾隆五年旌同邑耿女字朱新文未婚聞夫訃投繯

乾隆二十九年旌

郭賢繼妻焦氏夫亡撫前妻子守節

生員趙宗原妻陳氏夫亡自縊旌

史正國女年十六父病割股愈疾 路世恭妻胡氏舅
病割股療之 趙天眷繼妻白氏事姑孝夫亡教子有
成歷節四十四年乾隆十六年 旌

〔塚平縣〕

〔明〕士烈女名九勛以誕時加重故名也正德六年寇亂被
執欲犯之不從齊之刃曰不從則剗汝日女大罵曰吾
目可剗而身不可污賊怒遂剗其目殺之三日猶以兩
手堅握中衣不釋其父母至呼其名曰九勛兒賊去若
父母來為汝整衣乎方釋

邑民魏傳芳妻何氏夫早喪有子二長七歲次五歲栢
舟自矢撫子成立俱八序

生員王珪妻劉氏夫死孀居持家有道課長子世振入庠

生員王維恒妻鄭氏年二十三喪夫矢志守節撫子士俊甫成立又喪復與兒婦袁氏同心茹苦教孫衍入庠邑廩生榮耀妻魏氏夫亡撫幼子大貞孀居苦操大成重之

趙一鳳妻王氏年二十夜夫矢志守節艱辛教子

劉澤遠妻梁氏年方艾夫死悲啼不已或勸之曰此命也何自苦為氏曰吾不幸至此誓將從夫於地下矣朝夕哭奠夜則宿於柩側教日遂自縊死

庠生張堯心妻劉氏娶未期年而堯心早夭氏不獨生

即入室自縊以救免又數日劉盡給諸媪婢且解顏示之諸媪婢懈而散去竟縊死

醫生田一方妻王氏夫卒長號三日觸棺而死年僅二十有一

邑庠生王民仁妻趙氏民仁邁疾趙事之甚謹比卒即死之直指上其事旌為貞烈之門

李守貴妻孔氏隆慶二年春守貴病革呼孔至榻前泣曰我死者好事新郎孔痛哭以頭觸墻曰妾請先死以絕君念遂投繯而死守貴次日亦卒知縣徐世隆躬往弔之

郭維藩妻祝氏萬曆間維藩以疾卒氏年二十乃乘夜

續死邑侯郭思極題其門曰貞烈

唐烈女名惠福邑人唐懷女也懷携女避賊至楚家鋪賊驟至擁惠上馬惠泣罵不從賊怒部其腹或解之又楊氏女徒手拒賊亦被賊殺事聞俱旌其烈

王烈女生員子宏祚女年十三歲賊破城被執盡碎其衣不能奪志賊恐之曰粉汝身女俛首曰甘心賊怒遂殺之

邑庠生魏調善妻吳氏賊破城執謂善殺之氏遂躍入火死

朱筠轅妻魏氏崇貞壬午歲氏被賊牽去筠轅後隨之賊持劍殺筠轅氏恐汚已乃疾馳赴池死後人呼其池

曰節婦池

列婦張菊花王仲和妻遇賊於沙河之于驅迫入寨張不從賊遂奪其所抱女貫之鎗如搖鼗鼓然以恐張張奮恨哭罵愈厲賊怒磔之投其屍於河又有任昂妻張氏張表妻周金帶皆以拒賊不污事聞俱旌

國朝

扶溝縣民唐際孟之女同里閭登會之妻歲飢來遂僑居西凌家橋之王庄氏年二十隣人侯有德局誘至林田內圖奸不從以致強拉磕傷手腕氏抱憤回家告知其夫即自縊死時康熙四十八年孟秋七夕前一日也夫爲之官葬氏於城北義塚邑人哀之立碑以表其墓

庠生王世捷妻徐氏夫亡氏二十三歲遺子恂甫七齡
栢舟自矢篝燈佐讀教子成立未幾恂又亡同媳李氏
聖志守節六十餘載教育諸孫王麟書金書玉書皆入
庠雍正二年旌

李烈女名運姐年十七邑人李福雲女福雲僦屋與李
玉欽同居乾隆二年八月初六日玉欽見運姐獨在室
戲牽其臂運姐怒罵得脫奔訴其父母歸與玉欽毆詈
鳴之官運姐羞忿絕食至十一日夜母睡熟潛往玉欽
庭中縊死事聞旌表

庠生魏班之妻李氏班亡氏叩棺哀號勺水不入口者
五日誓以死殉時氏年二十一遺孤汝契甫三齡其姑

泣諭之氏乃勉從姑命稍進飲食毀容矢志事姑撫孤備歷艱辛後汝契又卒與孀媳共失柏舟乾隆五年

旌

王貞女名德姐邑人王正之女年八歲許字崔永吉之子十二歲時崔隨父就食遠方久無耗女年漸長父母欲改適之女矢死不從願侍親以俟夫善自斂藏非至親莫識其面躬親奉養事兄嫂無間言撫孤姪多慈誨年至七十八歲乾隆九年

李玉桂妻王氏夫亡貞節自矢孝事孀姑已養無違撫育遺孤俾克成立苦志四十餘年乾隆十年 旌

烈婦王氏原籍山西乾隆十二年歲荒隨夫高三至遂

備工度日寄居王家庄與王從隣十六年二月二十八日氏至從家借紡車被從戲育氏歸家憤恨縊死乾隆十六年 旌

靳烈女名双姐邑李香樓牌民靳可旺女也許字西邑魏保住乾隆二十年二月初三日之姑家 松逼之

不從傷左指仍鍵閉之室女遂縊死松懼 於河次

日父可旺獲之心詭女 如生憤 縣金

忠濟廉其事置松於法 旌女祠祀 烈時靳年

十有八云

庠生季涵培妻張氏夫亡矢志厲 教子成

立苦節數十年

卷三終